

cera in vtero dolores syncipitis excitantur, qui ad oculorum radices, atque manuum digitos pertinent. Vlcus denique quod vteri colli occupat, tum nobis significatur, cum primum per muliebrem pudendum sanguis ferofus exit, eo quod, tum interior particula ipsius colli eroditur: deinde sordes eiiciuntur. Ob hoc vlcus dolor acris, & pungens excitatur circa eam appendicem, quæ ossi sacro adnascitur, & Græcis κόκκυξ, Latinis cauda nominatur, qui hinc ad fæmora protenditur.

κόκκυξ
Dolor

Quibus signis ossium continuitatem dissolutam esse deprehendimus.

CAP. XXI.

Dissolutiones continui, quæ ossibus eueniunt, fractura & caries dicuntur, quarum fractura multis modis deprehenditur. Primum quidem quod os fractum est, occurrit inæquale tactui: deinde pungentem dolorem adfert: præterea ipsum commotum sonat. Post decurtatum apparet, & flectitur, si mouetur: quæ omnia fractis ossibus eueniunt, nisi coniunctis, veluti tibiis & cubitis, quæ semper geminata sunt, quorum vnum altero illæso, frangi potest. Quodcunque os instar arundinis, aut raphani frangitur: sed priore modo secundum longitudinem; posteriore, secundum latitudinem frangitur. Nam arundo si calcatur, in plures partes secundum longitudinem distribuitur: raphanus verò transfuersim secari solet, atque in duas partes duntaxat di-